



ESTATUTOS

ASOCIACIÓN DE XÓVENES EMPRESARIOS DE BERGANTIÑOS (AXOBER)

CAPITULO I

DENOMINACIÓN, ÁMBITO, FINS E DOMICILIO

Artigo 1.- Ao amparo da Lei 19/1977 de 1 de Abril e demais lexislación aplicable constitúese a **"ASOCIACIÓN DE XÓVENES EMPRESARIOS DE BERGANTIÑOS (AXOBER)"**.

Artigo 2.- A Asociación desenvolverá as súas actividades principalmente no ámbito territorial correspondente aos municipios integrados na Comarca de Bergantiños.

Artigo 3.- A Asociación é unha organización politicamente independente, con plena capacidade xurídica e de obrar, sen ánimo de lucro, cuxa finalidade básica será a de representar, xestionar e defender os intereses profesionais dos seus asociados, atendendo as súas necesidades de información, formación e asesoramento.

Artigo 4.- A Asociación responde a principios democráticos na súa organización e funcionamento, garantindo a autonomía das persoas asociadas nos seus respectivos ámbitos de interese específico, sen prexuízo do carácter vinculante que teñen os acordos adoptados validamente polos órganos de goberno da Asociación nas materias que afectan a esta e ao interese común dos seus asociados.

XUNTA DE GALICIA
CONSELLERÍA DE TRABALLO
DELEGACIÓN PRO¹
SECCIÓN DE INVESTIGACIONES Y ESTADÍSTICAS

PRESENTACIÓN

Hora Día 15 Mes 10 Ano 2011

2
14

Artigo 5.- A Asociación constitúese por tempo indefinido y a súa disolución levarase a efecto de conformidade co establecido nas leis vixentes e de acordo co procedemento fixado nos presentes Estatutos.

Artigo 6.- Constitúen os fins da Asociación:

- a) Satisfacer as necesidades de información, formación, asesoramento, investigación e perfeccionamento dos asociados, constituíndose en órgano de unión e coordinación ao obxecto de fomentar o espírito de solidariedade entre eles.
- b) Representar, xestionar e defender os intereses profesionais dos seus asociados.
- c) Promover, fomentar e desenvolver vocacións empresariais entre os mozos emprendedores.
- d) Fomentar e apoiar proxectos empresariais promovidos polos seus asociados.
- e) Apoiar e defender ás empresas no seu ámbito de actuación, con independencia da Administración Pública e de calquera grupo de presión social ou política.
- f) Fomentar e apoiar a libre iniciativa e a economía de mercado cooperando ao efecto con outras organizacións sociais para conseguir mellorar a calidade de vida dos cidadáns nun entorno de paz social.
- g) Analizar e, no seu caso, executar o estudio e seguimento na instalación de grandes centros de distribución comercial e parques industriais.
- h) Promover e apoiar a celebración de feiras, exposicións e calquera outro acontecemento de transcendencia que incida favorablemente no desenvolvemento comercial e industrial da comarca.
- i) Fomentar e promover a prevención de riscos laborais, a responsabilidade social corporativa e a internacionalización das empresas.
- j) E, en xeral, calquera outra que contribúa á finalidade xenérica e básica de representar e defender os intereses dos asociados.

Artigo 7.- A Asociación establece o seu domicilio social en **Rúa Fomento, nº 21-23-1º (15100) Carballo (A Coruña)**. Por acordo da Xunta Directiva o domicilio poderá ser trasladado a outro diferente dentro do mesmo municipio de Carballo.

AXOBER

ASOCIACION DE JOVENES EMPRESARIOS DE BERGANTINOS
Fomento, 21-23 - 1.º L - Telf-Fax: 981 756 313 - 15100 CARBALLO (A Coruña)
informacion@axober.org



CAPITULO II

DOS SOCIOS

- **Artigo 8.-** Poderán pertencer á Asociación en condición de **socios de número** todas aquelas persoas físicas e xurídicas que exerzan a súa actividade empresarial baixo os principios de libre iniciativa e economía de mercado.
- **Artigo 9.-** O ingreso na Asociación será sempre voluntario. As persoas físicas ou xurídicas interesadas en integrarse na entidade deberán solicitalo por escrito ao Presidente da Asociación aportando o aval de polo menos dous dos socios de número en situación regular de pertenza e ao día no cumprimento das súas obrigas sociais.
- **Artigo 10.-** O Presidente dará traslado de dita solicitude á Xunta Directiva, que acordará o procedente na primeira reunión ordinaria que teña lugar a partir da data de solicitude de admisión. A admisión deberá ser acordada en principio si se reúnen os requisitos establecidos nos artigos precedentes. A Xunta Directiva só denegará o ingreso mediante resolución fundada na que se fagan constar con claridade os motivos da denegación.

O acordo adoptado, ben o sexa de admisión ou de denegación de admisión, será notificado de forma fidedigna para os efectos oportunos ao solicitante no prazo máximo de quince días dende a data do acordo.

Artigo 11.- Serán dereitos dos socios de número:

- a) Tomar parte en cantas actividades organice a Asociación en cumprimento dos seus fins.
- b) Gozar de todas as vantaxes e beneficios que a Asociación poda obter das súas relacóns con terceiras persoas ou entidades.
- c) Participar nas Asembleas con voz e voto.
- d) Ser electores e elixibles para os cargos directivos.
- e) Recibir información sobre os acordos adoptados polos órganos de goberno da Asociación.
- f) Facer propostas á Xunta Directiva en orden ao mellor cumprimento dos fins da Asociación.
- g) E, en xeral, o exercicio de todos os dereitos que se recoñezan nos presentes Estatutos e demais disposicións de carácter interno que os desenvolvan.



Artigo 12.- Serán obrigas dos socios de número:

- a) Cumprir os presentes Estatutos e demais disposicións de carácter interno que os desenvolvan.
- b) Cumprir os acordos validamente adoptados polos órganos de governo da Asociación.
- c) Abonar as cotas ordinarias o extraordinarias que se fixen.
- d) Asistir ás Asembleas e demais actos que se organicen.
- e) Colaborar coa Asociación para o debido cumprimento dos fins sociais.
- f) Desempeñar, no seu caso, as obrigas inherentes ao cargo que ocupen.

Artigo 13.- Serán socios colaboradores aquelas persoas físicas ou xurídicas que sexan nomeadas como tales pola Xunta Directiva da Asociación con fundamento no especial apoio e colaboración que presten ou prestasen á Asociación para o desenvolvemento das actividades e para o mellor cumprimento do fin social. O nomeamento levará aparellado a entrega do correspondente documento acreditativo e en ningún caso outorgará dereito de voto nos órganos de governo da Asociación.


Artigo 14.- Serán socios de honor aquelas persoas físicas ou xurídicas que sexan nomeadas como tales pola Asemblea Xeral de socios, a proposta da Xunta Directiva, con base no especial apoio ou colaboración que de forma continuada e transcendente viñesen prestando á Asociación. O nomeamento levará aparellado a entrega do correspondente Diploma acreditativo e en ningún caso outorgará dereito de voto nos órganos de governo da Asociación.

Artigo 15.- Os socios colaboradores e de honor terán os mesmos dereitos que os de número a excepción do previsto no apartado d) do artigo 11, podendo asistir ás asembleas sen dereito de voto.

Artigo 16.- Os socios de número poderán causar baixa na Asociación con carácter voluntario ou forzoso.

A baixa voluntaria poderá ser solicitada en calquera momento polo socio mediante escrito dirixido ao Presidente da Asociación. Se a solicitude de baixa se formaliza entre os días un e quince do mes, a baixa causará efectos o último día natural de dito mes. E se a solicitude se formaliza entre o día dezaseis e o día último de mes, a baixa causará efectos o último día natural do mes seguinte.

A baixa forzosa poderá ser acordada pola Asemblea Xeral de socios, a proposta da Xunta Directiva, en caso de incumprimento grave das obrigas establecidas nestes Estatutos ou nas demais disposicións de carácter interno que os desenvolvan, así como no suposto de actuacións ou condutas que deterioren ou



prexudiquen gravemente a imaxe ou fins da Asociación. Entenderase en todo caso como incumprimento grave das obrigas sociais o non pagamento de catro cotas periódicas. O acordo de baixa forzosa causará efectos no último día natural do mes en que se adoptase pola Asemblea Xeral.




Tanto no suposto de baixa voluntaria como forzosa serán esixibles ao socio as cotas percibidas e non pagadas ata a data de efectos da baixa.

Artigo 17.- A Asociación levará un sistema de rexistro a través do correspondente Libro de Socios que permita coñecer, en todo momento, o número e identidade dos socios de número así como, no seu caso, o dos socios colaboradores e socios de honor. O devandito libro de rexistro estará a disposición de todos os socios.

CAPITULO III

DOS ÓRGANOS DE GOBERNO DA ASOCIACIÓN



Artigo 18.- Os órganos de governo da Asociación son a Asemblea Xeral e a Xunta Directiva.

Artigo 19.- A Asemblea Xeral, validamente constituída, é o órgano superior da Asociación e os seus acordos, adoptados conforme ao establecido nestes Estatutos, son obligatorios para todos os seus asociados.

Artigo 20.- A Asemblea Xeral estará formada por todos os socios de número da Asociación que se encontren ao corrente no pago das cotas de asociado. Cada socio terá dereito a un voto.

Os socios persoas físicas actuarán na Asemblea en nome propio, en tanto que os socios persoas xurídicas actuarán por medio dos seus representantes legais, ainda que en ambos os dous casos poderán delegar en outro socio os seus dereitos de voto mediante autorización ou apoderamento específico a tal efecto.

Artigo 21.- As reunións da Asemblea Xeral serán Ordinarias e Extraordinarias.

A Asemblea Xeral Ordinaria celebrarase unha vez ao año dentro dos seis meses seguintes ao peche do exercicio, previo acordo adoptado pola Xunta Directiva.

A Asemblea Xeral Extraordinaria celebrarase previo acordo da Xunta Directiva ou como consecuencia de proposta dirixida ao Presidente da Asociación. Neste



último caso os propoñentes farán constar o asunto ou asuntos que formarán a Orde do Día e terá que ser subscrita por un número de socios de número non inferior ao vinte por cento do total de socios da entidade á data da solicitude.

Artigo 22.- A convocatoria da Asemblea Xeral, Ordinaria ou Extraordinaria, será efectuada polo Presidente.

A convocatoria terá que ser efectuada con polo menos vinte días naturais de antelación á data de celebración, deberá ser remitida a todos os socios e na mesma constará o lugar, a data e a hora de celebración, así como a Orden do día cos asuntos que se vaian tratar.

Artigo 23.- Salvo aqueles casos en que os presentes Estatutos esixan un *quórum* de asistencia cualificado, as Asembleas Xerais, tanto Ordinarias como Extraordinarias, quedarán validamente constituídas en primeira convocatoria cando concorran a elles, presentes ou representados, un terzo dos socios de número con derecho a voto, e en segunda convocatoria calquera que sexa o seu número.

Artigo 24.- Salvo naqueles casos en que os presentes Estatutos ou a Lei esixan unha maioría cualificada, os acordos que adopte a Asemblea Xeral tomaranse por maioría simple das persoas presentes ou representadas entendéndose tal maioría cando os votos afirmativos superen aos negativos, non sendo computables e estes efectos os votos en branco nin as abstencións.

Artigo 25.- A presidencia da Asemblea corresponde ao Presidente da Asociación e en ausencia deste ao Vicepresidente. Para o suposto de ausencia de ambos a función de Presidente será exercida polo Secretario da Asociación.

A mesa da Asemblea estará formada polo Presidente, o Vicepresidente da Asociación e dous membros da Xunta Directiva designados por esta, actuando como Secretario o da Asociación, salvo que este último houbera de ocupar o cargo de Presidente da Asemblea, en cuxo caso tales funcións asumiríaas un dos vocais designados pola Xunta Directiva.

Artigo 26.- Son funcións da Asemblea Xeral Ordinaria:

- a) Aprobar, no seu caso, a xestión da Xunta Directiva.
- b) Aprobar ou rexeitar as propostas de actividades da Asociación formuladas pola Xunta Directiva.
- c) Analizar e pronunciarse sobre a memoria anual de actividades.
- d) Examinar e aprobar as contas anuais e, no seu caso, o presupuesto de ingresos e gastos de cada exercicio.



- e) Fixar e aprobar as cotas ordinarias ou extraordinarias que haxan de satisfacer os socios.
- f) Calquera outra que non sexa da competencia exclusiva da Asemblea Xeral Extraordinaria.

Artigo 27.- Son funcións da Asemblea Xeral Extraordinaria:

- a) A elección e destitución do Presidente da Asociación.
- b) A aprobación e modificación dos Estatutos e demais disposicións de carácter interno que os desenvolvan.
- c) A disolución da Asociación.
- d) A expulsión de socios.
- e) A adquisición o alienación de bens inmóbiles.
- f) A constitución de Federacións ou integración nelas.

Artigo 28.- Os acordos adoptados pola Asemblea Xeral serán transcritos nunha acta que será redactada polo Secretario da mesma, e subscrita por el co visto e prace do Presidente. A devandita acta será incorporada ao correspondente Libro de Actas.

Os acordos adoptados serán comunicados aos socios para o seu debido coñecemento.

Artigo 29.- A Xunta Directiva é o órgano colexiado encargado do goberno, xestión e dirección da Asociación.

A Xunta Directiva estará integrada polo Presidente da Asociación, o Vicepresidente, o Secretario, o Tesoureiro e un número de vocais non inferior a cinco nin superior a nove.

Os membros da Xunta Directiva non poderán percibir retribucións fixas e periódicas polo exercicio dos seus cargos, sen prexuízo do dereito a ser resarcidos dos gastos soportados con motivo da súa actuación en representación da Asociación.

Artigo 30.- A Xunta Directiva reunirase unha vez ao mes e, en todo caso, cando a convoque o Presidente ou a instancia da maioría dos seus membros mediante escrito dirixido ao Presidente.

Artigo 31.- A Xunta Directiva considerarase validamente constituída cando concorran á reunión polo menos a metade máis un dos seus membros.



Os acordos serán validamente adoptados pola maioría simple de votos. Non obstante, para a aprobación dos acordos relativos aos asuntos relacionados nas letras b), c), d), g), h) e i) do artigo seguinte, precisarase o voto favorable da metade máis un dos membros da Xunta Directiva. En caso de empate, o voto do Presidente será de calidade.

-
-
-
-
-
-
-
-

Os acordos adoptados pola Xunta Directiva serán transcritos nunha acta que será redactada polo Secretario desta, e subscrita por el co visto e prace do Presidente. A devandita acta será incorporada ao correspondente Libro de Actas.

Artigo 32.- A Xunta Directiva terá as seguintes funcións:

- a) Adoptar os acordos relativos á xestión ordinaria da Asociación.
- b) Propoñer á Asemblea Xeral os programas de actuación xeral e específicos e executalos unha vez aprobados.
- c) Elaborar a memoria anual das actividades, o presuposto de ingresos e gastos, e a liquidación de contas para sometelas a estudio e, no seu caso, aprobación pola Asemblea Xeral.
- d) Crear e disolver as comisións de traballo que estime convenientes para o estudio, tratamiento e desenvolvemento de temas concretos. O acordo de creación regulará as súas normas de funcionamento e o alcance das actuacións e traballos a desenvolver.
- e) Adoptar acordos relativos á contratación, adquisición e alienación de bens e servizos.
- f) Inspeccionar a contabilidade e decidir en materia de cobros, pagos e expedición de libramentos, sen prexuízo das facultades que corresponden ao Presidente e ao Tesoureiro.
- g) Outorgar poderes no nome da Asociación.
- h) Cambiar o domicilio social da Asociación a calquera outro situado dentro do mesmo municipio de Carballo.
- i) Acordar as altas e baixas voluntarias dos asociados e elaborar as propostas á Asemblea Xeral no suposto de baixas forzosas.

Artigo 33.- Os membros da Xunta Directiva serán elixidos conforme ao establecido nos artigos 40 e 41 destes Estatutos.

No suposto de cese voluntario ou forzoso de membros da Xunta Directiva, o Presidente procederá a designar aos novos membros no prazo máximo dun mes dende a data do cese. Dos citados ceses e nomeamentos darase conta na primeira Asemblea Xeral que se celebre.



Artigo 34.- O Presidente da Asociación, que o é tamén dos seus órganos de goberno, é o cargo de maior rango da Asociación, correspondéndolle a súa representación ante terceiros e a actuación ante eles en nome da Asociación.

Artigo 35.- O Presidente terá as seguintes atribucións:


- a) Representar á Asociación nos termos establecidos no artigo 34.
- b) Dirixir a actuación da Xunta Directiva.
- c) Vixiar e velar polo cumprimento e execución dos acordos validamente adoptados pola Asemblea Xeral e a Xunta Directiva.
- d) Convocar, presidir e dirixir as deliberacións das sesións que celebren a Asemblea Xeral e a Xunta Directiva e autorizar coa súa firma as actas correspondentes.
- e) Ordenar os pagos.
- f) Nomear aos membros da Xunta Directiva que cubran os postos que quedasen vacantes como consecuencia do cese voluntario ou forzoso dos titulares.
- g) Adoptar calquera medida urxente que a boa marcha da Asociación aconselle ou que no desenvolvemento das súas actividades resulte necesaria ou conveniente, sen prexuízo de dar conta posteriormente á Xunta Directiva.

Artigo 36.- O Presidente da Asociación será elixido pola Asemblea Xeral mediante sufraxio libre, igual e secreto para un período de **catro anos**.

Artigo 37.- O Presidente da Asociación cesará polas seguintes causas:

- a) Cumprimento do prazo máximo de duración do mandato.
- b) Baixa voluntaria.
- c) Destitución pola Asemblea Xeral.
- d) Falecemento.

Non obstante, nos supostos sinalados nas letras a), b), e c) o Presidente continuará no exercicio do cargo en funciones ata a elección de novo Presidente.



Artigo 38.- O Presidente da Asociación poderá ser destituído pola Asemblea Xeral como consecuencia da aprobación dunha moción de censura. A moción terá que ser presentada por socios que representen polo menos unha cuarta parte do censo de socios da Asociación e para a súa aprobación precisarase o voto favorable da metade máis un dos socios presentes ou representados na Asemblea Xeral que decida sobre a moción.

Artigo 39.- O proceso electoral para a elección de Presidente iniciarase previo acordo da Xunta Directiva, co cumprimento dos requisitos esixidos polos artigos 21 e 22 destes Estatutos.

No suposto da letra a) do artigo 37 o mencionado acordo haberá de ser adoptado dentro dos dous meses anteriores á data de vencemento do prazo máximo de duración do mandato vixente, en tanto que nos supostos das letras b), c), e d) do mencionado artigo, o acordo haberá de adoptarse dentro do mes seguinte á data de notificación da baixa voluntaria, da data do acordo de destitución adoptado pola Asemblea Xeral ou da data de falecemento, respectivamente.



Artigo 40.- Os aspirantes haberán de presentar as súas candidaturas con unha anterioridade de polo menos quince días á data de celebración da Asemblea Xeral convocada ao efecto. A devandita candidatura haberá de ir necesariamente acompañada da lista dos socios propostos para formar parte da Xunta Directiva. As listas das candidaturas presentadas quedarán expostas na sede da Asociación con unha antelación de dez días á data de celebración da Asemblea.

Para ser candidato a Presidente ou membro da Xunta Directiva será necesario ser socio de número e estar ao corrente das obrigas sociais. O exercicio de tales funcións será incompatible co doutros cargos executivos ou directivos en calquera partido político ou organización sindical.

Artigo 41.- Será elixido Presidente o candidato que obteña a metade máis un dos votos dos socios presentes ou representados.

No suposto de que concorresen ao proceso electoral dous ou máis candidatos e na votación ningún deles obtivese o número de votos favorables esixidos no parágrafo precedente celebrarase unha segunda votación, sendo elixido quien obteña maior número de votos.

A elección dun candidato a Presidente levará consigo a da lista de candidatos a membros da Xunta Directiva que aquel acompañase á súa propia candidatura.



Artigo 42.- O Vicepresidente substituirá ao Presidente en ausencia deste, e terá as mesmas atribucións que el.

-
-
-
-
-
-
-
-

Artigo 43.- O Secretario terá ao seu cargo a dirección dos traballos administrativos da Asociación, a levanza dos libros da Asociación legalmente preceptivos, a custodia da documentación da entidade, o libramento das certificacións que se lle soliciten, co visto e prace do Presidente, e o cumprimento de todas as obrigas documentais nos termos que legalmente correspondan.

Artigo 44.- O Tesoureiro recadará e custodiará os fondos pertencentes á Asociación e dará cumprimento das ordes de pago que expida o Presidente.

Artigo 45.- Os Vocais terán as obrigas propias do seu cargo como membros da Xunta Directiva, así como as que nazan das delegacións ou comisións de traballo que a propia Xunta lles encomende.

CAPITULO IV

DO RÉGIME ECONÓMICO DA ASOCIACIÓN

Artigo 46.- Os recursos económicos previstos para o desenvolvemento dos fins e actividades da Asociación serán os seguintes:

- a) As cotas ordinarias ou extraordinarias de socios.
- b) As subvencións, doazóns, legados ou herdanzas que puidera recibir de forma legal por parte dos socios ou de terceiras persoas.
- c) Os intereses e os ingresos provenientes dos seus bens e valores.
- d) Os ingresos procedentes da prestación de servizos relacionados coa consecución dos seus fins.
- e) Calquera outro recurso lícito.

Artigo 47.- A Asociación levará os Libros oficiais de contabilidade, que estarán a disposición de todos os socios.



Artigo 48.- As únicas persoas lexitimadas para a disposición de fondos da Asociación serán o Presidente, o Vicepresidente, o Secretario e o Tesoureiro, aínda que en calquera caso se precisará a actuación mancomunada de polo menos dous deles.

Artigo 49.- O exercicio asociativo e económico será anual e o seu peche terá lugar o trinta e un de decembro de cada ano.

CAPITULO V

DOS ESTATUTOS DA ASOCIACIÓN E DOUTRAS NORMAS DE RÉGIME INTERNO

Artigo 50.- Os presentes Estatutos poderán ser modificados total ou parcialmente pola Asemblea Xeral a proposta da Xunta Directiva ou a instancia de polo menos unha cuarta parte dos socios de número da Asociación en pleno exercicio das súas facultades de socio.


O proxecto de modificación deberá ser posto a disposición dos socios cunha antelación mínima de vinte días á data de celebración da Asemblea Xeral Extraordinaria.

Artigo 51.- Para que a Asemblea Xeral Extraordinaria poda adoptar validamente acordos de modificación de Estatutos requirirase en primeira convocatoria a asistencia, presentes o representados, de máis da metade dos socios de número da entidade bastando, en segunda convocatoria, a presenza de polo menos a terceira parte dos devanditos socios.

A aprobación de acordos de modificación de Estatutos necesitará do voto favorable de máis da metade dos socios presentes ou representados na Asemblea Xeral que decida sobre a modificación.

Artigo 52.- Será facultade da Xunta Directiva a elaboración de propostas das disposicións de réxime interno que veñan a complementar o establecido nos presentes Estatutos, tanto coa finalidade de facilitar o mellor cumprimento dos fins sociais como de facilitar a mellor organización e funcionamento da Asociación.

As devanditas disposicións complementarias serán aprobadas pola Asemblea Xeral e en ningún caso poderán contradicir o establecido nos Estatutos.



CAPITULO VI

DISOLUCIÓN E LIQUIDACIÓN

Artigo 53.- A Asociación disolverase voluntariamente cando así o acorde a Asemblea Xeral Extraordinaria, convocada ao efecto. A proposta de disolución poderá ser formulada pola Xunta Directiva ou subscrita por socios de número que representen polo menos un terzo do total de socios da entidade.

Artigo 54.- Para que a Asemblea Xeral Extraordinaria poda adoptar validamente o acordo de disolución requirirase en primeira convocatoria a asistencia, presentes ou representados, de máis da metade dos socios de número da entidade bastando, en segunda convocatoria, a presenza de polo menos a terceira parte dos devanditos socios.

A aprobación do acordo de disolución necesitará do voto favorable de más da metade dos socios presentes ou representados na Asemblea Xeral que decida sobre a disolución.

Artigo 55.- Unha vez acordada a disolución da Asociación abrirase o proceso de liquidación, conservando a Asociación a plena personalidade xurídica. De non acordarse outra cousa pola Asemblea Xeral, a Xunta Directiva asumirá as funcións de Comisión Liquidadora.

Artigo 56.- Son funcións da Comisión Liquidadora:

- Concluír as operacións pendentes e executar as novas que sexan imprescindibles para o bo fin da liquidación.
- Cobrar os créditos da Asociación e pagar aos acredores.
- Aplicar os bens sobrantes ás institucións sen ánimo de lucro que se tiveran determinado no propio acordo de disolución ou, con posterioridade ao devandito acordo, unha vez finalizada a liquidación.
- Formalizar a cancelación dos asentos da Asociación no correspondente Rexistro Público.

Artigo 57.- A actuación da Comisión Liquidadora non concluirá ata que renda contas do proceso de liquidación e o mesmo fose aprobado pola Asemblea Xeral.



DISPOSICIÓN ADICIONAL

En todo canto non estea previsto nos presentes Estatutos se aplicará a Lei 19/1977 de 1 de Abril, e demais disposicións complementarias.

DILIXENCIA

Para facer constar que os presentes Estatutos foron aprobados pola Asamblea Xeral Extraordinaria celebrada o día 2 de Setembro de 2.011.

En Carballo, a 7 de Setembro de 2.011

Vº e Prace
O PRESIDENTE

O SECRETARIO